

無上祕要卷之五十五

比七

无上祕要卷之五十五

比七

太真下元齋品

太真齋法

上學之士欲求飛仙致靈通真騰景太空上
昇九天之道當須下元三日齋直行香轉經
拔解七祖令死魂更生去離三塗上昇南宮
釋結解滯斷滅惡根七祖既歡身自成仙其
法高妙勿傳非人

行下元齋法未至前一日沐浴形軀宿潔齋
心上至九人下極三人宿入室北向叩齒十

四通捻香三過長跪上啓

无上空洞自然九玄道君虛皇太真下元齋
官五方五帝五嶽飛仙等當以今月某日於
某處齋直行香然燈誦經願請下元監真使
者直齋仙官玉童玉女各十二人一同降下

比七

監臣等行至上闈九天謹宿啓奏徑御奉行
畢明日清旦入室高下列次齋主先於齋堂
戶外叩齒三通思室內生自然紫炁之雲布
滿齋室之中玉童玉女羅列左右微言正爾
入室燒香行道願直齋仙官營衛臣身通致

玄虛動靜以聞便入東向向香爐祝曰

下元元靈五帝神真金仙玉童素靈玉女左
右侍香飛仙靈官闕啓

九天元始天王虛皇玉帝上聖天尊臣等即
時燒香旋行禮經願得

无極自然正真之炁降入臣等身中受臣等
口中祕言所啓速聞徑御

玉皇高上玉帝几前

左回北向長跪叩齒十二通臣等身中四肢

五體三十九戶上真靈官左右飛仙玉虛侍

郎五帝五色元皇太真飛龍功曹神仙使者
各三十六人出玉虛侍郎執飛仙羽節九色
耀天之麾五帝五色元皇太真手執五帝命
魔靈幡飛龍功曹冠帶羽服金真鳳章神仙
使者交絡七元擎持玉案對立臣等前街臣

此七

二

等口中祕言乘金根紫蓋丹轅瓊輿飛雲之
輪從金仙玉童太華玉女各十二人左右龍
虎騰天羽騎二十四萬衆飛到紫蓋上登九
天之上金闕玉殿瓊房丹室之內上啓

上上无極无窮至上洞真九玄元父太虛玄

母元始天王高上玉虛萬道丈人鬱單无量
天王上上禪善无量壽天王須延天王寂然
天王不驕樂天王化應聲天王梵寶天王梵
迦摩夷天王波梨答怒天王九天丞相三天
玉童高上三十二帝二十四真玄古先生萬
始丈人高聖玉晨太上大道君扶桑暘谷神
王四司五帝西靈龜母上清太真玉寶上相
大司命高晨師東華玉門青華小童君太清
玄元无上三天无極大道太上老君太上丈人
天帝君九老仙都君九炁丈人等百千萬重

道炁千二百官君太清玉陛下无鞅數道上
皇真人无極天尊炁係自然玄都元皇大洞
三皇弟子小兆真人其嶽先生臣某等今謹
相率建齋立直誦經行道燒香明燈建立功
德拔贖七祖比七解釋宿根脫離幽塗上昇南宮
解拔窮魂度身生天特從

三

高上无極天尊垂神曲映監臣所陳上清高
上三寶領仙侍郎五方五帝監靈大夫監齋
大神典齋使者直齋上真飛仙天仙五嶽神
仙兵馬騎乘各九億萬衆一合降下營衛護

臣等身滅魔消試辟凶穰患招致九天自然
正氣金液丹精芝英神仙交會齋堂洞映臣
等玉女玉童侍衛香煙令臣等行道得道求
仙得仙飛行太空騰景九天舉心願合與三
寶齋直七祖父母拔度三塗乞死魂生天一
切諸苦咸蒙度脫上受太真无量之恩修行
事竟啓還本宮惟蒙監納須報奉行
次出吏兵

次回還東向向香爐三上香

第一上香上清玄都大洞三景弟子小兆真

人其嶽先生臣甲等今建齋立直燒香明燈
思真誦經行道求仙願以是功德拔度臣某
家七祖窮魂斷滅宿根解贖幽塗乞死魂生
天免離五苦受福南宮今歸身歸神歸命
无上至真至極九玄元始玉皇鬱單无量天
王上上禪善无量壽天王須延天王三十九
帝二十四真九天丞相高上玉晨太上大道
君萬仙上聖无極天尊願以是功德歸流臣
等身令七祖怨魂上昇天堂衣食自然長居
无爲臣身飛騰今故燒香自歸

高上至極天尊得道之後昇入无形與

三寶齊輪

第二上香願曰臣甲等今齋直燒香明燈誦
經思真行道上求飛仙持以功德願為諸天
十方无量无億无鞅數道及諸名山隱學法

此七

四

師父母尊親及同學門人道士賢者願各得
其道飛行上清七祖窮魂免離幽牢上昇仙
堂今歸身歸神歸命

无上至極九玄元始玉皇寂然天王不驕樂
天王化應聲天王三十九帝二十四真九天

丞相高上玉晨太上大道君萬仙上聖无極
天尊願以是功德歸流諸名山隱學法門同
學門人道士賢者令七祖窮魂上昇天堂衣
食自然臣身飛騰今故燒香自歸
高上至極天尊得道之後昇入无形與

三寶齋輪

第三上香願曰臣甲等今齋直燒香明燈誦
經思真行道上求飛仙持以功德願臣等家
門九族姻親

帝王國主君臣吏民四陲邊國羗夷氏獠及

蜺飛蠕動蚊行喘息一切衆生已生未生願
各全其生道長保自然歸身歸神歸命

无上至極九玄元始玉皇梵寶天王梵迦摩
夷天王波梨答瑟天王三十九帝二十四真
九天丞相高上玉晨太上大道君萬山上聖

比七

五

无極天尊願以是功德歸流臣等九族姻親
帝王國主君臣吏民四陲邊國及蜺飛蠕動
一切衆生咸得免離十苦八難五灾六害九
厄七傷各保福祿長居自然今故燒香自歸
高上至極天尊得道之後昇入无形與

三寶齋輪

次左回向西北一拜長跪願曰臣今建齋立
直燒香明燈誦經思真行道求仙上解七祖
拔贖幽魂度仙南宮願從

太空无極元始九玄元父高上玉皇至極天

尊特垂曲映令臣行道得道求仙得仙飛行

太空騰景玉清拔度七祖解脫怨魂三塗五

苦免離火鄉乞身生天受福南仙闔門昇度

普天獲恩

南宮願從
道求仙上解七玄拔贖

次向東南一拜長跪願曰臣今建齋立直燒

香明燈誦經思真行道求仙上解七玄拔贖
幽魂度仙南宮願從

太空无極元始九玄玄母高上玉虛至極天
尊特垂曲映令臣行道得道求仙得仙飛行
太空騰景玉清拔度七祖解脫怨魂三塗五

苦免離火鄉乞身生天多福南仙闔門昇度

普天獲恩心之良主天必歆南神闔門昇度

次向西北一拜長跪願曰臣今建齋立直燒

香明燈誦經思真行道求仙上解七玄拔贖

幽魂度仙南宮願從天王高上玉虛至極天

太空元始鬱單无量天王高上玉虛至極天
尊特垂曲映令臣行道得道求仙得仙飛行
太空騰景玉清拔度七祖解脫怨魂三塗五
苦免離刀山乞身生天受福南軒闔門昇度
普天獲恩

比七

六

次向正北一拜長跪願曰臣今建齋立直燒
香明燈誦經思真行道求仙上解七玄拔贖
幽魂度仙南宮願從

太空元始上上禪善无量壽天王高上玉虛
至極天尊特垂曲映令臣行道得道求仙得

仙飛行太空騰景玉清拔度七祖解脫怨魂
三塗五苦免離河源乞身生天受福南軒闔
門昇度普天獲恩

次東北又一拜長跪願曰臣今建齋立直燒
香明燈誦經思真行道求仙上解七祖拔贖
幽魂度仙南宮願從

太空元始須延天王高上玉虛至極天尊特
垂曲映令臣行道得道求仙得仙飛行太空
騰景玉清拔贖七祖解脫怨魂三塗五苦免
離八難乞身生天受福南軒闔門昇度普天

獲恩

次正東又一拜長跪願曰臣今建齋立直燒香明燈誦經思真行道求仙上解七玄救贖幽魂度仙南宮願從

太空元始寂然天王高上玉虛至極天尊特

此七

七

垂曲映令臣行道得道求仙得仙飛行太空騰景玉清拔度七祖解脫怨魂三塗五苦考掠之中乞身生天受福南軒闔門昇度普天獲恩

次東南又一拜長跪願曰臣今建齋立直燒

香明燈誦經思真行道求仙上解七玄拔贖
幽魂度仙南宮願從

太空元始不驕樂天王高上玉虛至極天尊
特垂曲映令臣行道得道求仙得仙飛行太
空騰景玉清拔度七祖解脫怨魂三塗五苦
考楚之中乞身生天受福南軒闔門昇度普
天獲恩

次正南又一拜長跪願曰臣今建齋立直燒
香明燈誦經思真行道求仙上解七玄拔贖
幽魂度仙南宮願從

太空元始化應聲天王高上玉虛至極天尊
特垂曲映令臣行道得道求仙得仙飛行太
空騰景玉清拔度七祖解脫怨魂三塗五苦
風刀之中乞身生天受福南軒闔門昇度普
天獲恩

次西南又一拜長跪願曰臣今建齋立直燒
香明燈誦經思真行道求仙上解七玄拔贖
幽魂度仙南宮願從
太空元始梵寶天王高上玉虛至極天尊特
垂曲映令臣行道得道求仙得仙飛行太空

騰景玉清拔度七祖解脫怨魂三塗五苦之
難乞身生天受福南軒闔門昇度普天獲恩
次正西又一拜長跪願曰臣今建齋立直燒
香明燈誦經思真行道求仙上解七玄拔贖
幽魂度仙南宮願從

比七

八

太空元始梵迦摩夷天王高上玉虛至極天
尊特垂曲映令臣行道得道求仙得仙飛行
太空騰景玉清拔度七祖解脫怨魂三塗五
苦萬劫之中乞身生天受福南軒闔門昇度
普天獲恩

次向太歲上再拜長跪願曰臣今建齋立直
燒香明燈誦經思真行道求仙上解七玄拔
贖幽魂度仙南宮願從

太空元始波梨答愆天王高上玉虛至極天
尊特垂曲映令臣行道得道求仙得仙飛行
太空騰景玉清拔度七祖解脫怨魂三塗五
苦二十四獄之中乞身生天受福南軒闔門
昇度普天獲恩

次還向西再拜長跪願曰

西方玉虛高玄上聖至真諸君之人无極天

尊願垂曲恩降賜臣所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮

次北向再拜長跪願曰

北方玉虛高玄上聖至真諸君丈人无極天

比七

九

尊願垂曲恩降賜臣所學從心行道得道求
仙得仙飛行上清騰景九天七祖父母去離
五苦拔度八難上昇天堂受福南宮

次東向再拜長跪願曰

東方玉虛高玄上聖至真諸君丈人无極天

尊願垂曲恩降賜臣所學從心行道得道求
仙得仙飛行上清騰景九天七祖父母去離
五苦拔度八難上昇仙堂受福南宮

次南向再拜長跪願曰

南方玉虛高玄上聖至真諸君丈人无極天

尊願垂曲恩降賜臣所學從心行道得道求

仙得仙飛行上清騰景九天七祖父母去離

五苦拔度八難上昇仙堂受福南宮

畢還向西方叩齒三通願曰如前

大道洞玄微 高虛總三輪 金仙啓靈扉

煥若九天分
太華散紫空
八真映素雲

玄母結上願
行間之八門
萬慶交靈會

揚烟唱下元
妙誦感重虛
得結高仙群

遊行禮空洞
稽首朝帝君

畢再拜咽炁三過止

下元篇曰是時當於此願誦太霄琅書九天
之章繞香三周於南方正向北便九拜都畢
便出皆不得後顧

朝禮三時食息誦念悉如上元之法

三日齋竟啓遷齋官亦依上元之格但增解

七祖之功耳

下元篇曰修此齋直當書豁落七元帝皇威
章隨其所安置於方面

三元篇曰登齋之日當選高稱通靈釋微才
智慧朗之人以為齋主上高座誦說法義次

比七

十

者和之同齋皆靜坐閑聽伏受法化不得慢
略外形託齋內懷異念虧忽天格為司官所
糾罰以五帝神兵移名北酆不得又登齋堂
三元篇曰登齋之日男女當以學深淺次之
容序雅步旋香禮願每令如法坐起卧息不

得混雜更相戲笑无有尊卑為諸天所笑鬼神所慢犯者為司官所糾罰以五帝神兵移名北鬱不得又登齋堂

三元篇曰凡有同學遇灾被危疾病縣官口舌非橫之事皆修中元之法當資香油為信告齋主隨其情事列奏高虛也

三元篇曰凡行此道學法亦齋合丹亦齋入山亦齋傳經亦齋八節日亦齋甲子日庚申日太歲日本命日亦齋富貴亦齋貧弊亦齋有樂亦齋有憂亦齋疾病亦齋口舌亦齋有

凡亦齋師有憂亦齋國不寧亦齋師有凡亦
齋同盟者有憂亦齋諸如此等其功至重於
常若能恒修此法三年剋得真人下降但依
常修行九年感靈能乘空飛行其道祕重慎
勿妄傳

比七

十一

三元篇曰太真科高上元始受之空洞九玄
之先置於齋直以行神仙之訣如是玄都上
室真人皆有於月上旬修上元中旬修中元
下旬修下元況於世學而不能修三元之道
空思之微真豈爲降徒勞勤事求仙遠也若

有志心當依明科齋錦紋之繒三十尺金鑲
九隻詣師告誓授度真人修之九年剋得飛
仙上登玉清之宮輕泄寶文七祖死責已身
亡命不得又仙

无上秘要卷之五十五



